

醫  
記

水  
辨

方  
議  
三  
物  
藥  
後

合

醫巫比軹方議三物辨

完



富士川文庫  
1299

乙

490.9

Ih-4

No. 5027

醫範序

富士川家藏本

要論  
論實

友人某忠告曰。子頃者示門人以氣血水  
 辨先師之所未言。背萬病一毒說。可不孝。  
 何不改其過。余所為憂也。猷拜忠告。曰。嗚  
 呼。尊信先師至矣哉。苟非猷所及也。雖然  
 其言異於猷之所聽。夫道者天下之道。而  
 非一人之道也。父未能詳悉。子詳悉之。已  
 未能審明。人審明之。子思作中庸。迺言孔  
 子之所未言。以發之。可謂不孝乎。先人謂  
 猷曰。女學吾教。以學而勿膠我言。凡模寫

原本由字上有  
不字當加之

形容。摸其所摸。遂失真形。吾之所以尊  
秦張者。學其道。以徵諸事實。有治驗也。  
至有治驗。雖非秦張之言。豈可不尊信  
哉。方無古今論。無新舊必期之治驗。夫  
氣血水辨。非余之新說。傷寒之於論。莫  
由於此。先人亦開其端。曰附子逐水。曰  
水蛭治血也。鑿之論。不以此三物。以何  
為規矩。三物之變。三極之道也。不可不  
知焉。今作鑿範。示氣血水之辨。不背萬  
病一毒也。

萬病一毒。藥皆毒也。以毒攻毒。是鑿要道。  
人身如春。此為常體。偏陰偏陽。此其病狀。  
病必害性命。是以謂毒其毒也。無形必乘  
有形。其證自見。乘氣也。氣變焉。乘血也。血  
變焉。乘水也。水變焉。其入口者。水穀二而化  
為血也。是以有三物焉。三物之精。循環則  
為養。停滯則為病。失其常度。或急或逸。或  
虛或實。諸患萌起。各異其狀。證緣物而生。  
物隨證而分。證者末也。物者本也。雖有見  
證。不分其物。何益之有。譬如望雲霓。不知

晴雨也凡論病以陰陽古之法也是分  
其大體而已某方未可處矣太陽病有  
桂枝湯有葛根湯有麻黃湯一病而三  
分所以有氣血水之辨也其人頭痛發  
熱汗出惡風是氣之變而桂枝湯證也  
以其發熱知血不凝以其汗出知水不  
滯其血凝者雖自汗出不得發熱項背  
強兒女葛根湯證是也其水滯者雖必  
發熱不得汗出身疼喘鳴麻黃湯證是

也如是證備則不辨三物雖曰某湯證而  
可也或變證出或見一症長沙方中無可  
微證以何論病以何處方方此時聚類推  
證以分三物辨其主客審其所在知其四  
態謂之規矩何曰主客黃連阿膠湯瓜蒂  
散建中湯同治心中煩而其方異者以主  
客異也黃連阿膠湯氣主而水血為客故  
但煩而已建中湯血主而氣為客故悸而  
煩悸者血也劇則致衄不得發熱是其候  
也瓜蒂散水主氣血客也故滿而煩滿者

一身言舉體  
之皮膚  
外體言四肢  
手足筋肉

體當作髓

水也氣不發散心上衝吐水則愈是其  
候也主者先見而客者後出是以知生  
客之法也何曰所在病位也表裏內外  
是也一身頭項背腰此為表也外體面  
目鼻口咽喉胸腹此為裏也內外出入  
之辭以睛舌心骨體為內極位也外也  
者自內而外出也內也者自外而內陷  
也對內則表裏俱外也內外者經也表  
裏者緯也桂枝湯治一身煩黃連阿膠

湯治心中煩柴胡湯治一身煩煩者其氣  
一體而治方何異以其所在異也譬如血  
之在東則為晴候在西則為雨候也何曰  
四態急逆虛實是也急順行而進之謂也  
逆者却行而退之謂也虛者缺而不足之  
謂也實者盈而有餘之謂也心煩者物同  
其所在而治方何異以其態異之故也施  
子豉湯熱氣見於外身熱煩熱或頭汗出  
是急而心煩也白虎湯證熱氣伏於內口  
舌乾燥或渴或背惡寒是逆而心煩也承

原本証字下無則  
字  
原本無無謂二字  
此為是

氣湯症表裏有熱大便鞭是實而心煩也一煩之變如此多端萬病之變雖難窮極統之則不出于三物之變也三物之變者三極之道也以此推證則何病無謂不分證也者末也物也者本也不知其本孰能分其末也學者思諸

類聚方議

麻黃湯條氣血水辨

桂枝湯條醫字解

肥後 熊本府村并托大年識

傷寒脈浮緊不發汗因致衄者麻黃湯主之 註曰傷寒脈浮

緊法當發汗若不發汗是失汗也椿按緊之脈是皮膚緊密膜

理閉塞若可發其汗不發其汗則熱鬱於內鬱乃毒也毒今攻

於血分因致衄麻黃湯更發其微汗乃解矣是仲景隨症用麻

黃湯於衄後法也謂之因致衄者鑿合觀病人其脈浮緊其症

發熱身體疼痛無汗之症而不能用麻黃湯是當發其汗不能

發其汗則為失汗失汗則毒鬱於內逼迫于血故上逆因致衄

也雖然其症未解是以與麻黃湯主之凡仲景治衄之法三一

曰必衄是用麻黃湯而後衄乃解二曰自衄是太陽傷寒雖已  
施治亦未解其人終脈浮緊發熱自無汗而後自衄者愈謂之  
紅汗是乃與麻黃湯取微汗其治自同矣三曰致衄是太陽傷  
寒其人脈浮緊醫今不發其汗是失汗也後因失汗而致衄者  
更以麻黃湯主之夫衄也者血也鼻中血出者是也或以虛寒  
表裏而雜病與傷寒之衄者似不是也雖然至隨其症治之一  
也後世又以氣血與水三物為病源又為治法之本者有之理  
乃理也雖然今仲景之於治術也似不然矣如何則治此衄也  
或有以麻黃湯治之或有以桂枝湯治之夫桂枝麻黃芍藥生  
姜大棗杏仁甘草非一治衄之藥而今已治衄也桂枝麻黃二  
湯非一治衄之方而今已治衄也以此觀之苟治肚腹之毒則

動水與血之毒者如彼發熱惡寒或惡風或頭項強痛也如彼  
身體之疼痛也如彼鼻鳴乾嘔也如彼喘而胸滿也無一不治  
者然者肚腹之一毒於是乎有動血者有導水者有攻氣者豈  
氣血與水各々唯病乎或氣持病乎一毒動之也夫一毒之動  
也從其所易動而病之也故仲景之為治也隨其一毒所動之  
症而治之頭痛而衄者桂枝湯主之無汗而衄者麻黃湯主之  
不治其衄而治頭痛與無汗於是衄乃治矣故吾門不見與氣  
血與水而但治其症而已桂枝湯主之有衄亦主之頭痛發熱  
惡寒疼痛喘而無汗者麻黃湯主之有衄亦主之凡有以上二  
証者若氣病則當氣病也若有蓄水與瘀血則當有蓄水與瘀  
血也我但隨其証而治之耳其術但在於執其一毒而已矣故



氣與水血而病之者一毒也我今在舉其一毒而已矣我今舉  
其一毒而試之不可不心其驗也是豈不其微乎又々有他乎  
當今之時天下之為醫者苟說書則必言理而不知學焉終陷  
其理窟而不知脫其窟窠可嘆哉又生民一大不幸乎哉嗚呼  
人文為生也必有氣與水血而不營之衛之養之育之何以得  
為其生人乎然而受其于天受其水血于父母者豈其病吾者  
乎哉吾釀成秋一毒而使氣與水血病此者也夫天之六氣者  
養育生民者也六氣豈有病生民乎吾以有所畜一毒而天之  
六氣淫則與一毒燼擊而為病者也氣與水血亦獨然矣然一  
毒病氣豈特病乎一毒動水血水血於是與一毒混化而動動  
則遂去其處則遂又混化為一毒於是氣亦得不病乎隨其所

病之氣而水乃走於所走為腫為鼓為疼痛為眩為暈為胃為  
欬為嘔為痰飲為掣痛為牽引為拘急為惡寒劇者為厥逆血  
亦然至於所病乃或衄或吐血或咯血或欬血或痔血或尿血  
或下血或婦人經水或變為瘀為斑為諸瘡若併水則為諸瘡  
瘍疥癬疔丹毒而出于皮膚腠理也所謂同類相求也然則水  
血者一也故云汗者血之餘也汗亦水也液亦水也血豈不水  
哉今血病之者亦毒也今水毒之者亦毒也然則令氣病之者  
不亦毒乎東洞翁嘗謂病之者毒乘之也豈氣特病哉又毒自  
除乎除之者某與醫也夫一毒混化水兮則令水病之一毒混  
化血兮則令血病之然則又有氣兮一毒着于氣兮則令水  
之氣病之故梔子甘草豉湯在而少氣竹葉石膏湯在而少氣

杜詩萬里方看汗  
流血

此句言駿馬之疾走也  
惟汗則其馳未刻也既  
流血則其劇可見也今  
自汗者血之餘也者蓋  
近之夫汗者水穀之精液  
而血亦然統言之則水穀  
入口為氣水為水化為血諸  
之氣與水物無此三物則  
人身体中無有津液汗也  
看其津液也汗之出  
有無不由三物之正反  
言特向而已謹汗說所謂  
論論有說不通之言也

夫人之有生也因寒熱  
之也寒者陰也熱者  
陽也寒者先也熱者  
生也也者血水也熱者  
氣也天地之物無不曰  
之人身於疾之發及示  
後寒熱混合循環  
則常也失之度則變也  
夫汗之為物氣血水三  
物之精液而出入進退  
皆隨三物汗之進陽氣  
而熱也退陰而與也水  
血也傳言如熱豆之豆  
瀝血也也液水也如其  
薄煙汗也若夫熱氣騰  
則彼所上薄煙為露也  
液流其流者汗也熱  
氣衰寒氣盛則其汗  
亦從而止也寒之寒  
熱不偏猶人身之平常  
也

是一毒病於氣分故令氣如少也桂枝湯症曰其氣上衝麥門  
冬湯症曰上氣是一毒令氣上衝也氣從一毒上也後世或謂病  
者氣與水血耳殊不知一毒之病人之及水血矣夫醫為術但  
在逐除病毒而已病毒者一毒也氣與水血者人之所當有者  
也人苟無氣與水血則不得為生人矣人其以邪氣與畜水瘀  
血得為生人乎哉一毒病之則氣已成邪氣水血忽成毒瘀之  
干毒之名也邪亦毒之名也然如此則氣豈得不為毒氣乎是  
皆為一毒所毒也而又與一毒混化矣其症之發也或譫語妄  
語或狂走煩悶或不語無言豈非氣之病之乎苟吐下之則水  
血之毒也發之則汗也余嘗治其病人夫婦夜寢則騰理多生  
如細紗者余試漬之水則化為血矣余診其候則共麻黃湯之

症也一發微汗皆血也其症忽愈騰理又不生如細紗者夫一  
毒也者本飲食之毒之所釀成也人為飲食所養育而氣及水  
血亦為此所生長矣人今失其節度故其飲食停滯而終為一  
毒而病其身體肚腹孫思邈曰諺曰萬病從口入乃此謂也於  
是氣及水血為此所毒謂之疾病也疾病疾醫之所當治也在  
傳曰疢之美其毒濕多內經曰毒茶攻邪邪乃毒也是豈疾病  
者非人之毒乎故甄權曰以毒攻毒是此以毒之毒者毒茶之  
毒也攻毒之毒者乃指疾病之毒也王冰曰惟毒乃能是此惟  
毒之毒者毒茶之毒也能乃毒茶之能也是毒茶攻病毒之謂  
也毒茶之毒于人之病毒者毒茶之能也東洞翁曰惟能乃毒  
又曰毒毒於毒不毒於人由此觀之凡醫之為道在於知毒茶

之為真與疾病之為毒而已故謂氣及水血為各疾病之源者  
抑又未墜于理義穿鑿之談矣要皆論說之言也是以東洞之  
門不心問氣及水血但云萬病一毒不感于外症而在於腹候  
之毒如何而已曰然桂枝湯症亦有腹候乎曰雖桂枝湯症亦  
豈無腹候乎桂枝湯之為法治一毒之出而動于大表者故此  
方以動于大表之症為本而以在于肚腹者為標豈謂無腹候  
乎夫為外症也頭痛發熱惡寒惡風鼻鳴乾嘔汗出身體疼痛  
者皆其候也今其乾嘔者毒之在于胸腹者也頭痛發熱惡風  
惡寒者毒之在于項背膚腠者也汗出或不汗出身體疼痛者  
毒之在于肢腹而拘急者也若或失溺者毒者亦毒之在于少  
腹者也是皆當以手候之而其症可察矣豈無腹候乎故以上  
諸証診其脈則其脈必浮緩也不必問其氣之上衝否而隨症  
與桂枝湯治之則無其病不乃愈也由此觀之傷寒六七日頭  
者必<sup>痛</sup>不必問其衄血若有桂枝湯症則必用桂枝湯其衄乃  
止也然則桂枝湯非止衄血之方矣下利腹脹滿身體疼痛者  
皆水之結也又服桂枝湯大汗出脈洪大者是水毒之動也不  
必問其水毒今以有桂枝湯症用桂枝湯其水毒乃去也然桂  
枝湯非治水之方矣由此觀之仲景之為術也必在于察其一  
毒之動而逐除其一毒耳雖曰氣及水血之變不必治其氣及  
水血矣可以見焉耳但桂枝湯之症者其人本有表若外襲于  
風寒則其<sup>毒</sup>為風寒所動而發于大表也雖曰發于其大表亦  
其毒本在于肚腹之間其發于大表者謂之表症又謂之大陽

症太陽之症將及入于裡謂之半表半裏之症其毒已侵腸胃  
謂之陽明症其毒入于裏而淋浸府藏淺則謂之太陰症不淺  
不深謂之少陰之症已深入謂之厥陰症凡三陰之症者一毒  
所各結之處也三陽之症者一毒出于表分所往來道路也往  
來而後又還于窠窟故仲景之法謂之反本論可徵於是醫之  
為術攻擊其所出者則其毒不能再還于窠窟其毒之往來也  
氣先病者毒先攻其氣水先動者毒先攻其水血先瘀者毒先  
攻其血故云邪之所湊其氣必虛雖然仲景為術不必治其氣  
及水血而先治其一毒一毒竭則氣及水血反其正也此謂之  
病瘳也小柴胡湯症曰往來寒熱休作有時是毒之見于大表  
者也默々不欲飲食心煩喜嘔胸下痞硬或滿痛或硬滿或心  
下痞硬或咳謂之小柴胡內証也是毒之動于心胸者也夫心  
煩者胸中必有熱是醫以手不診之則不能知之腋下痞硬或  
滿痛或硬滿或心下悸或痞硬是醫不以手候之則不能知之  
病人或知之有此內候裡症之毒致彼寒熱往來休作有時默  
々不欲飲食心中煩悸喜嘔或咳等症也一毒攻氣分則默々  
然一毒攻水分則喜嘔或悸也痞硬硬滿無不一毒之結矣或  
婦人中風經水適斷適來等症此為熱入血室其血必結者小  
柴胡湯主之是雖瘀血之結病之今不治瘀血而治柴胡症則  
小柴胡湯非下血之方而經水適來瘀血乃解不必治其血乃  
下也然小柴胡湯非治血之方矣故云麻黃湯非治衄血之方  
也雖然今有此方之症而致衄者不問其衄亦麻黃湯主之然

原本兼作方令  
作兼怨非是

麻黃湯用因非治血之兼也

右類聚方議第一卷麻黃湯條傷寒脈浮緊不汗因致血者麻黃湯主之章解今抄出示諸子

麻黃湯用因非治血之兼也。麻黃湯條傷寒脈浮緊不汗因致血者麻黃湯主之章解今抄出示諸子。麻黃湯用因非治血之兼也。麻黃湯條傷寒脈浮緊不汗因致血者麻黃湯主之章解今抄出示諸子。麻黃湯用因非治血之兼也。麻黃湯條傷寒脈浮緊不汗因致血者麻黃湯主之章解今抄出示諸子。

氣血水辨

予頃讀邱大年所著之方議見麻黃湯條氣血水說如徒論諸書上未嘗施于事實也其說曰不論氣與水血隨証治之在舉其毒而已夫証在彼者而雖羅列身體不以法論之其症何益症者証據之症而以顯知隱也於醫謂之症矣於病謂之應矣應與症非<sup>其</sup>本物觀之有法陰陽之義以分形狀此之謂規矩扁鵲曰聽病之陽論得其陰聽病之陰論得其陽陰陽義也天際萬物莫離此義陰陽以分其義義以推其症症以知其物古今之通路也氣無形而陽也水與血有形而陰也陰者自偶而陽者自奇也水氣為陽血氣為陰也陽病者<sup>有</sup>氣動水血之症陰病者有水血塞氣之症也陰陽之義以推諸則氣與水血自在其

原本作此謂之則  
今作此文誤也  
一本雜出上有  
諸症二字似是

中也先師雖說萬病一毒至辨其某能附子曰逐水木曰利水  
蟲與水蛭曰治血証是其端也其氣與水血雖養身體之物偏  
則為害以其為害曰毒毒也者傷害物之謂也我知為其毒不  
知所以毒也其所毒之者三而至毒於我則一也是以謂一毒  
矣一毒之謂示治病一於攻而無補益也豈為治法乎夫醫之  
治病苟有其症則處其方不加私意從仲景遺訓此文謂則雖  
然病之於身異症同病異病同症雜出有如古訓者甚稀矣方  
此時以陰陽之義辨氣與水血推彼知此定其治方此謂之法  
太陽篇壞病不尋其症則曰隨症治之無症則以無論之俸也  
少陽篇尋其症則曰隨証治之雖症在茲以法不論其義不分  
也徒治其標不能治本不異於小兒捕影也楚有一將學兵法

聽鴻鴈亂行則有伏兵而引軍入山猪鹿自深谷出走軍中不  
知有伏兵是學症而不知義也雖有病症不論其義治之無法  
雖萬病一毒一藥所不能治也有熱氣則用逐氣藥有瘀血則  
用敗血之藥有宿水則用逐水之藥雖水血在體中以其應見  
于大表各得其物凡水之為病發汗或利小便或吐下水則其  
諸証罷以知為水也血之為病吐血下血或腫脹或經閉漏下  
其諸症動以知為血也氣之為病有其狀而無其形氣發散則  
其症盡退以知為氣也其無徵於前者必有徵於後非空理也  
非胸臆也有所見之實言也大年不辨氣與水血曰聚其一毒  
則病乃愈譬如其家有災不辨水火唯曰除災則家安全而洪  
水漲不防猛火熾不滅也何得除其災哉若有萌兆察水火之

寢救水災無他導水救火災無他滅火萌兆者症也水火者物也雖有萌兆不辨其物除災無由雖有病症不知其物去毒無法也三物不可不辨也大年曰水血者一也故曰汗者血之餘也汗亦水也液亦水也豈血非水哉是可謂理窟而不知實也雖血本為水水自水血自血不可混淆水也者乾則無色血也者雖乾有色若滌物則不澆之以生姜汁血不去物各有分血塊用甘遂水腫用桔梗豈可獲治如乎大年引証曰麻黃湯桂枝湯雖非治血方服之血則愈小柴胡湯雖非治血方服之經水來隨症而不拘血仲景之法也此大年不知論症之法也血者血不為主氣逐血之症故芩心湯主治血芩皆氣芩也桂枝湯麻黃湯血非主症故服麻黃湯汗則血自止服桂枝湯頭痛退則血自止小柴胡湯症寒熱主而經水客也故曰適斷曰熱入血室主去則客自散古今之常法也大年奚讀書之粗邪又引有水毒而不治水之徵以下利腹脹滿身體疼痛者與服桂枝湯夫汗出脈洪大者嗟呼論症之法何異於古也下利腹脹滿困疼痛者逆氣外行也裏氣逆者四逆湯主之四逆湯症罷而身疼痛者逆氣復外行未解也桂枝湯主之大汗出者水脫出之症脈洪大者氣盛之候皆氣之衰病而芩亦氣芩也豈得為水病哉又曰毒竭則氣及水血反其正也可謂妄說矣一且為邪氣為蓄水為瘀血者如何邪瘀去而氣及水血得反其正乎反其正者身體所循環之新物而非邪瘀去之舊物以芩攻之則其所出之物氣與水血之外不見有其形狀者何以

為一毒邪又曰桂枝湯症豈無腹候乎可謂牽強矣桂枝湯解  
表之方而其症悉表候何有腹候上衝者其變有腹以為微乎  
上衝下後變症氣不能外行而致此病變裡有病此氣逆上行  
表不解之候而桂枝湯劇症也頭痛發熱惡寒或身疼痛則以  
其氣外行不上衝也不上衝則何以知在腹乎以乾嘔為微欬  
乾嘔者在胸而客症也頭痛惡寒者其病在表之症也桂枝湯  
疼痛在身此表候也然以身体誤也身体者裏而附子症也桂  
枝湯無胸腹拘急失溺之症而以為微麻黃湯症無惡寒及身  
体疼痛而以為微皆私說而非法言也孔子曰非法言不敢  
言先師之所慎也夫傷寒論懸症皆出實者也其症之前後其  
症之有無劇易異症順逆同症皆法之所存也不可忽焉桂枝  
湯症惡寒而不喘也麻黃湯症惡寒而不惡寒也桂枝湯身疼  
痛則不發熱麻黃湯必發熱二方症相合發熱惡寒身疼痛者  
大青龍湯症此症之有無也頭痛而乾嘔者桂枝湯乾嘔而頭  
痛者吳茱萸湯此症之前後也大柴胡湯劇則心下痞硬乾嘔  
而下利也易則心下急鬱久微煩也此文謂劇易異症矣桂枝  
湯治惡寒附子湯亦治惡寒也此文謂順逆同症矣仲景之法  
不可不審曰隨症而已曰聚一毒而已曰不拘氣與水血此不  
知其法也不知其法而用某方暗投冥行也

氣血辨終



藥徵三物正辨

完

文政己丑秋

掘

茂靖摸

氣之部 內位

○黃芩 ○黃連

原本不用治者也三字  
今比皆用之下文亦然

黃芩者治氣獨對滯而不得暢下者也故為痞劇則為下利  
黃連者治氣獨對滯而不得暢上者也故為煩劇則為吐旁  
及痞其云心下云心中俱內位也心下者下也黃芩主之心  
中者上也黃連主之上下之所在可以知矣俾心湯之類乾

原本方中上有文字

原本作是黃芩之主也

姜黃連黃芩人參湯葛根黃連黃芩湯諸方芩連混用故其  
症難別黃芩湯木物黃芩湯柴胡湯方中無黃連而有痞下  
利之症是黃芩之所以主也黃連阿膠湯黃連湯方中無黃

原本作是主也又無黃  
連字

芩而有煩吐之症是黃連之所以主也

○石膏 ○芒消

石膏者治虛。症而氣不外。發為熱者也。芒消者治實。症而氣外。發為熱者也。俱為熱而有虛實之別。石膏者虛。症而氣不外。發故雖身熱不發熱為寒。為厥或遺尿是虛之症也。所在以上雖煩。疑似於黃連。必渴而無吐之症也。芒消者實。症而氣外。發故發熱潮熱而不惡寒。不厥為結。為痞。堅為石。硬或為大便鞅是實之症也。所在以下雖痞。疑似於黃芩。無下利之症也。是其別也。云心煩。云譫語。其所在俱在內之微也。

○猪膽 ○白頭翁

猪膽者治氣獨逆而血不滯者也。白頭翁者治氣獨急而血不滯者也。白通加猪膽汁湯症曰利不止。厥逆又曰乾嘔。是氣獨逆而血不滯也。何以知之。利不止。厥逆。乾嘔者。氣逆之候也。脈微。腹不痛者。血不滯之微也。白頭翁湯症曰熱利下重。又曰產後下利。欲飲水是氣獨急而血不滯也。何以知之。為熱或欲飲水是氣急之症也。不為吐。不為痛。血不滯之微也。

○阿膠 ○礬石

阿膠者治氣逆而血滯者也。黃連阿膠湯症曰心中煩而不眠。得眠猪苓湯症曰心煩而不得眠。芍藥膠艾湯症曰漏下又

眠當作卧

曰下血。又曰腹中痛。黃土湯症曰下血是氣逆而血滯也。何

以知之。煩者下血者是氣逆也。不得卧。腹痛者是血滯之候

也。若石者治氣急而血滯者也。消若散症曰日晡所發熱。又

原本氣急上無是字

原本作何以知逆

候當作微

原本腹痛者下有下血者三字

曰小腹滿若石丸症曰經水閉若石湯症曰脚氣冲心是氣急也消若散症曰反思寒又曰額上黑又曰大便必黑若石丸症曰經水不利若石湯症曰脚氣是血滯之徵也

○橘皮 ○梔子

橘皮者治氣逆而水滯者也梔子者治氣急而水滯者也橘

皮湯症曰乾嘔噦又曰厥茯苓飲症曰吐出水又曰滿不能

食橘皮竹茹湯症曰噦逆是氣逆而水滯之候也梔子豉湯

症曰心中懊懣又曰煩熱又曰身熱又曰頭汗出茵陳蒿湯

症曰頭眩心胸不安又曰頭汗又曰堯黃梔子厚朴湯症曰

心煩是氣急之候也梔子豉湯症曰下後又曰不能食梔子

大黃豉湯症曰黃疸茵陳蒿湯症曰堯黃又曰無汗又曰小

便不利腹微滿梔子厚朴湯症曰腹滿是水滯之候也

○蜀漆 ○黃蘗

蜀漆者治氣逆而水不滯者也黃蘗者治氣急而水不滯者

也蜀漆散症曰瘧多寒牡蛎湯症曰牡瘧謂多寒微有熱或

但寒不熱也桂枝去芍藥加蜀漆龍骨牡蛎湯症曰狂驚起

卧不安是氣逆之症也以上諸症無水氣之變是水不滯之

候也梔子蘗皮湯症曰堯熱大黃硝石湯症曰自汗出白頭

翁湯症曰熱利是氣急之候也梔子蘗皮湯之症身黃而堯

熱大黃硝石湯症黃疸而自汗出白頭翁湯症曰下重又曰

欲飲水是水不滯之候也

○酸枣仁

原本多寒上無瘧字

原本無汗上有身當加之

原本是水滯之候也下有橘皮湯症曰厥橘皮竹茹湯症曰逆是氣逆之候也二十字當從之

原本無又曰厥三字須從原本

原本無氣逆而三字宜為是

原本作証曰虛煩不得眠無  
急逆之症以虛也

酸枣仁者無急逆之症其証曰虛煩不得眠是以虛也  
氣之部 裏位

○附子 ○大黃

原本惡寒上有背微二字  
原本背微惡寒下有又曰  
手足寒附子心湯症曰  
惡寒于四字當載之脫之  
者非也

附子者治血氣虛者也大黃者治血氣實者也附子湯症曰  
惡寒桂枝去芍藥加附子湯症曰微惡寒附子粳米湯症曰  
腹中寒又曰切痛以上無氣逆之症是血氣虛之候也附子  
湯症曰身體痛身武湯症曰腰痛又曰疼痛又曰發熱心下  
悸頭眩附子粳米湯症曰腰痛送滿大黃附子湯症曰偏痛發熱  
桂枝附子湯症曰疼煩不能自轉側桂枝加附子湯症曰四  
肢微急難以屈伸者麻黃附子細辛湯症曰發熱四逆湯症  
曰發熱頭痛以上諸症有氣急之狀如何痛者熱者拘急者

氣脫而無逐血之力故自鬱滯而作急狀也大黃甘草湯症  
曰食已即吐桃仁承氣湯症曰小腹急結大黃牡丹皮湯症  
曰時々發熱大黃消石湯症曰黃疸腹滿小便不利抵當湯  
症曰少腹硬滿又曰合熱則消穀善饒至六七日不大便又  
曰經水不利抵當丸症曰少腹滿下瘀血湯症曰經水不利  
小承氣湯症曰大滿不通又曰大便心鞭々則譫語又曰譫  
語發潮熱又曰小便數大便因硬大承氣湯症曰潮熱大便  
鞭又曰譫語潮熱又曰日晡所發潮熱又曰自利清水又曰  
口乾燥又曰下利心下鞭以上諸症無氣逆之症是實之候  
也自汗出或小便數或噦或下利有逆之狀何以別之有此  
逆症實之劇者也故心譫語或口乾燥或大便鞭或心下鞭

等之症有熱實狀也

○地黃

原本地黃條合附子而論之其能曰附子氣虛血不循也宜依原本

地黃者治血虛氣急者也八味丸症曰少腹不仁芎歸膠艾湯症曰漏下下血是血虛之候也八味丸症曰煩熱而不能卧又曰少腹拘急小便不利芎歸膠艾湯症曰腹中痛三物黃芩湯症曰四肢苦煩熱是氣急之候也

○乾姜

○吳茱萸

乾姜者治血氣俱逆者也吳茱萸者治血氣俱急者也甘草乾姜湯症曰遺尿小便數必眩多涎水又曰厥咽中乾煩燥吐逆四逆湯症曰下利清穀又曰厥逆又曰厥冷人瀉湯症曰多寒桂枝人瀉湯症曰利下不止通脈四逆湯症曰下利

原本心腹上有又曰三字下有而字多泚水作多泚字當從原本

清穀手足厥冷或乾嘔又曰汗出而厥乾姜附子湯症曰晝

日煩燥白通湯症曰下利梔子乾姜湯症曰微煩半夏乾姜

散症曰乾嘔吐逆乾姜人瀉半夏丸症曰嘔吐不止半夏瀉

心湯症曰嘔而腸鳴甘草瀉心湯症曰乾嘔心煩黃連湯症

曰欲嘔吐乾姜人瀉黃連黃芩湯症曰寒下食入口吐大建

中湯症曰腹中寒嘔不能食飲柴胡姜桂湯症曰多寒苓姜

朮甘湯症曰身體重腹中冷又曰小便自利苓甘五味姜辛

湯症曰咳小青龍湯症曰咳逆以上諸症曰厥逆曰吐逆曰

咳逆逆故無論也為寒為冷為下利異於附子之症者為嘔

為嘔吐為眩為煩是氣逆之候也異於生姜者乾嘔不嘔嘔

必吐劇則吐不嘔生姜之症不寒不冷無遺尿小便數或自

原本入口下有則字當加之

○原本雷鳴下有或咳二字

○原本焉作矣

利下利等之症是血氣不逆也吳茱萸湯症曰食穀欲嘔又  
曰嘔而胸滿又曰乾嘔吐涎沫頭痛者又曰吐利手足厥冷  
為胸滿為頭痛是血氣急之候也乾嘔吐利厥冷等之症疑  
似於乾姜此症有急症無遺尿小便數或自利下利雷鳴或  
身重水下降之逆症也可以分別焉

○麥門冬

○原本麥門冬係合乾姜而善文

麥門冬湯症曰大逆上氣竹葉石羔湯症曰氣逆欲吐異於  
乾姜者不厥不嘔乾燥劇是氣逆劇之候也

○知母

○原本此條合白芍門冬而善文

知母者治血滯氣急者也症未詳白虎湯症曰身重難以轉  
側又曰厥又曰背微惡寒桂枝芍藥知母湯症曰肢節疼痛

○咽燥咽當作古

是血滯之候也白虎湯症曰自汗出又曰大煩渴又曰口燥  
渴心煩又曰口乾咽燥又曰身熱桂枝芍藥知母湯症曰頭  
眩短氣溫々欲吐酸枣仁湯症曰不得眠是氣急之候也

○皂莢 ○細辛

皂莢丸症曰咳逆上氣又曰濁唾桂枝加皂莢湯症曰吐涎  
沫皂莢者治氣逆而涎沫滯者是也咳逆濁唾吐涎沫皆氣  
逆而涎沫滯之候也細辛者治血氣急而飲水滯者也麻黃  
附子細辛湯症曰發熱脈沉大黃附子湯症曰發熱其脈弦  
緊小青龍湯症曰發熱苓甘五味姜辛湯症曰胸滿苓甘姜  
味辛夏陽症曰衝氣復發當飯四逆湯症關是血氣急之候  
也大黃附子湯症曰股下偏痛小青龍湯症曰咳苓甘五味

姜半湯症曰咳是水滯之候也

○生薑 ○厚朴

生薑者治水氣逆者也生薑甘草湯症曰咳唾涎沫不已生  
姜半夏湯症曰似喘不喘似嘔不嘔云云小半夏湯症曰嘔又  
曰噦吳茱萸湯症曰嘔又曰乾嘔吐涎沫厚朴生薑甘草半  
夏人蔘湯症曰脹滿黃芩加半夏生薑湯症曰嘔旋覆花代  
赭石湯症曰噫氣不除生薑泻心湯症曰乾噫食臭橘皮湯  
症曰乾嘔噦橘皮竹茹湯症曰噦逆茯苓飲症曰停痰有宿  
水自吐出水梔子生薑豉湯症曰嘔半夏厚朴湯症曰咽中  
如有炙肉大柴胡湯症曰嘔不止厚朴七物湯症曰腹滿茯苓  
苓澤泻湯症曰吐黃芩桂枝五物湯症曰身體不仁桂枝加

芍藥生薑人蔘湯症曰身疼痛或嘔或吐或噦或咳或噫或  
停痰有宿水或如有炙肉是水氣逆之候也如腹滿脹滿者  
非其主治佐厚朴之効也如身疼痛身體不仁亦非其主治  
佐外發之力而已大承氣湯症曰腹滿痛又曰潮熱又曰腹  
滿不減又曰胸滿小承氣湯症曰腹滿又曰多汗譫語發潮  
熱又曰微煩小便數厚朴七物湯症曰腹滿厚朴生薑甘草  
半夏人蔘湯症曰腹脹滿半夏厚朴湯症曰咽中如有炙肉  
梔子厚朴湯症曰腹滿枳實薤白桂枝湯症曰胸滿是水氣  
迫之候而多汗小便數潮熱者是其易症也腹滿胸滿其症  
之劇者也

原本作水氣急非也

原本作水氣急非也

○木 ○猪苓



原本身煩者麻黃加木  
湯症而一身面目黃腫其麻  
黃小便不利是為越婢加木  
湯之症當從文越婢加木湯  
症不見有身煩者脫其麻  
黃加木湯字也明矣

原本所在下有在字

原本五苓散小便不利條下有  
又曰脈下有嘔吐涎沫而癰眩其效  
者嘔吐者小便不利者性者是水  
滿之候也脈浮發熱者嘔渴者思  
水者頭痛發熱身疼痛者吐涎沫  
癰眩者小便不利者是氣急之候也  
六十八字今蓋脫之過字之大甚也  
也須加文

水者治氣不循而水滯有逆狀者也猪苓者治氣不循而水

滯有急狀者天雄散症曰失精附子湯症曰惡寒越婢加木

湯症曰身煩疼五苓散症曰小便不利又曰煩渴又曰六七

日不解而煩又曰口躁煩又曰癰眩汗浮湯症曰冒眩玄武

湯症曰小便不利苓桂朮甘湯症曰心下逆滿氣上衝胸又

曰胸脇支滿目眩又曰短氣人溲湯症曰喜唾桂枝去桂加

苓木湯症曰心下滿微痛小便不利防己黃耆湯症曰身重

又曰自腰以下腫枳實湯症曰心下堅大如盤茯苓飲症曰

右停痰宿水自吐出水苓姜朮甘湯症曰身體重小便自利

桂枝附子去桂加朮湯症曰小便自利是氣不循之候而其

所在血分故雖無水証惡寒煩疼之類主之氣不循則水自

滯其易者不見水狀心下滿小便不利是其敵到之症而自

利堅滿目眩等之症是其劇者也猪苓湯症曰脈浮發熱渴

欲飲水小便不利又曰欬而嘔渴猪苓散症曰嘔吐後思水

者五苓散症曰脈浮小便不利微熱又曰發熱六七日不解

而煩又曰頭痛發熱身疼痛又曰口燥煩小便不利又曰膈

下有嘔吐涎沫而癰眩者小便不利者是氣急之候也渴欲

飲水者汗浮之症而思水不渴者猪苓之所主也

氣之部 表位

○甘草 ○大棗

甘草者治水氣逆而血氣急者也自表及于心大棗者治水

滯血氣俱急者也自表及于心甘草浮心湯症曰乾嘔心煩

不得安甘草乾姜湯症曰厥咽中乾煩燥生姜甘草湯症曰  
欬唾涎沫不止桂枝人蔘湯症曰利下不止桂枝甘草湯症

○曰又手足自冒心桂枝甘草龍骨牡蠣湯症曰煩燥四逆湯症

曰手足厥冷又曰厥逆苓桂甘草湯症曰膈下悸苓桂五味

甘草湯症曰手足厥逆氣自小腹上衝胸咽半夏泻心湯症

曰嘔而腸鳴小柴胡湯症曰心煩喜嘔又曰膈下鞅滿乾嘔

不能食小青龍湯症曰欬逆倚息是水氣逆之候也芍藥甘

草湯症曰脚掣急芍藥甘草附子湯症曰惡寒甘麥大棗湯

症曰喜悲傷欲哭甘草湯症曰咽痛四逆湯症曰發熱頭痛

身體疼痛又曰四肢拘急甘草粉蜜湯症曰吐涎心痛小建

中湯症曰裏急後重腹中痛小柴胡湯症曰往來寒熱黃連

湯症曰腹中痛烏頭湯症曰拘急不得轉側調胃承氣湯症

曰蒸々而發熱又曰心煩又曰譫語桃仁承氣湯症曰少腹

急結桂枝湯症曰頭痛發熱是血氣急之候也十棗湯症曰

硬滿引脇下痛又曰支飲欬煩葶藶大棗湯症曰喘而不得

卧又曰胸滿脹一身面目浮腫又曰支飲不得息苓桂甘

湯症曰膈下悸越婢湯症曰一身盡腫生姜甘草湯症曰欬

○杏唾吳茱萸湯症曰嘔小柴胡湯症曰膈下鞅滿是水滯之候

也十棗湯症曰胸中痛又曰汗出而頭痛葶藶大棗湯症曰

喘鳴迫塞越婢湯症曰續自汗出生姜甘草湯症曰咽乾渴

甘麥大棗湯症曰藏躁小柴胡湯症曰頸項強又曰往來寒

熱又曰胸痛又曰腹中痛大柴胡湯症曰心下悸鬱々微煩

又曰心下痞鞭又曰心下滿痛小建中湯症曰急痛黃連湯  
症曰腹中痛葛根湯症曰項背強桂枝湯症曰頭痛發熱黃  
耆桂枝五物湯症曰身體不仁吳茱萸湯症曰煩躁是血氣  
急之候也異於甘草者無氣逆之症也

○杏仁 ○桂枝

杏仁者治水滯而氣不伸者故有逆狀也桂枝者治衝氣也  
故有急狀也麻黃湯症曰無汗而喘又曰無汗身疼痛大青  
龍湯症曰身疼痛麻黃杏仁薏苡甘草湯症曰一身盡疼麻  
黃甘草杏仁石膏湯症曰汗出而喘桂枝加厚朴杏仁湯症  
曰微喘茯苓甘草杏仁湯症曰胸中氣塞短氣苓甘姜味辛  
夏仁湯症曰形腫大陷胸丸症曰結胸者項亦強走馬湯症

曰心痛腹脹以上諸症水滯氣不伸之候也杏仁逐氣不能  
逐水故表水者合麻黃逐之在裏則合茯苓或葶藶或巴豆  
於加厚朴杏仁湯之症也雖喘不見水狀由下之水氣逆而  
已故有杏仁無逐水之茶麻黃湯用杏仁多而有身疼喘之  
症麻黃杏仁甘草石膏湯杏仁五十個而有喘無身疼之症  
大青龍湯麻黃杏仁薏苡甘草湯杏仁四十個或十個而有  
身疼無喘身疼者輕喘者重是其所以有多少也越婢湯無  
杏仁故雖有水腫身不疼不喘氣宜達也桂枝甘草湯症曰  
心下悸欲得按桂枝甘草附子湯症曰骨節疼煩桂枝附子  
湯症曰身體疼煩桂枝人參湯症曰懷熱而利苓桂五味甘  
草湯症曰氣從少腹上衝胸咽桂枝湯症曰其氣上衝又曰

頭痛發熱又曰惡寒發熱又曰身疼痛麻黃湯症曰頭痛發熱身疼大青童湯症曰發熱惡寒身疼痛苓桂朮甘湯症曰氣上衝胸苓桂甘朮湯症曰臍下悸是皆衝氣之候也在表則為頭痛為惡寒為疼在裏則為悸為上衝在表水急則合麻黃血急則合芍藥在裏水急則合茯苓血急則合附子或合人參皆氣有急狀也小便不利則有桂枝自利則去桂枝桂枝者主外不主內自利者無外症也故去之麻杏甘石湯越婢湯者無桂枝汗出不發熱無衝氣也

血之部 內位

○桃仁 ○牡丹皮

桃仁者治血停而不循者也牡丹皮者治血凝結者也桂枝

按作披誤

茯苓丸症曰婦人宿有癥病癥者凝結也 大黃牡丹皮湯症曰腸癰小腹腫痞披之則痛八味丸症曰少腹不仁又曰少腹拘急是血凝結之候也桃仁承氣湯症曰如狂血自下又曰少腹急結抵當湯症曰如狂又曰少腹硬滿又曰經水不利下瘀血湯症曰腹痛又曰經水不利桂枝茯苓丸症曰得漏下不止大黃牡丹皮湯症曰腸癰少腹痞腫按之則痛是血滯不循環之候也參考桃仁牡丹之効用桃仁一味則云如狂云腹痛云經水不利血動有不循之症是急之狀也有牡丹皮云癥云癥瘕如八味丸用牡丹皮一味則云不仁而無發狂腹痛經水不利等之症是為凝結也

原本牡丹皮下有則字

○牡蠣 ○龍骨

驚字當有狂字

○牡蠣治下陷不循之血也龍骨者治上攻不循之血也桂枝  
去芍藥加蜀漆龍骨牡蠣湯症曰驚柴胡加龍骨牡蠣湯症  
曰煩驚桂枝甘草龍骨牡蠣湯症曰煩躁牡蠣湯症曰牡瘥  
多寒少有熱或寒而不熱外行之血下陷甚者作驚作躁不  
劇者多寒而煩未致驚躁是血下陷之候也天雄散症曰失  
精蜀漆散症闕桂枝加龍骨牡蠣湯症曰失精柴胡加龍骨  
牡蠣湯症曰識語一身盡重不可轉側桂枝甘草龍骨牡蠣  
湯症曰煩躁作其失精作狂作識語作躁皆血上攻之候也  
參考右二味用牡蠣一味則云煩而不狂躁用龍骨一味則  
云失精而不云煩下陷之血者氣鬱滯不循故作煩也上攻  
之血者氣不鬱滯故無煩也欲循不能循者必作動也下陷

之血從胸心作動蠱牡之主也上攻之血從臍下作動龍骨  
之主也

○麤虫 ○蟲虫 ○水蛭

原本作塵虫水  
蛭也今未詳當  
為是  
其分二字皆改其能

麤虫者治乾血也蟲虫者治瘀血也水蛭也塵虫也其分未  
詳大黃塵虫丸症曰腹滿不能飲食肌膚甲錯而目黯黑下  
瘀血湯症曰腹痛土瓜根散症曰經水不利少腹滿痛是乾  
血之候也異於瘀血者滿不硬痛不狂是其別也抵當湯症  
曰其人發狂者少腹應硬滿又曰小便自利其人如狂云又  
曰其人喜忘者必有畜血又曰經水不利是瘀血之候也經  
水不利乾血與瘀血何以別之乾血也者肌膚甲錯或一體  
羸瘦無血色不狂不硬不飲食也瘀血也者如狂或喜忘或

硬滿小便自利或大便色必黑或消穀善饒必有大便之寔也乾血者無大便之寔也

○瓜蒌根 ○土瓜根 ○葛根

一本急作急迫未知孰是

瓜蒌根者治血凝氣鬱滯者也土瓜根者治血滯氣鬱滯者也葛根者解氣急之凝血也瓜蒌桂枝湯症曰身體強儿々然麻反悅遲柴胡姜桂湯症曰小便不利渴不嘔瓜蒌瞿麥丸症曰小便不利者有水氣其人若渴者柴胡去半夏瓜蒌湯症曰瘧病發渴者見儿々狀者是血凝之症而未劇故在身體也渴者血凝劇而氣鬱滯逐水故必小便不利其位在裏也土瓜根散症曰經水不利少腹滿痛是血滯氣鬱滯也異於瓜蒌根者血不凝故不渴不強氣鬱滯雖滿氣自通故

痛也桂枝加葛根湯症曰項背強儿々葛根湯症曰氣上衝胸口禁不得語又曰下利葛根黃連黃芩湯症曰下利遂不止喘而汗出是氣因上衝血窘迫也故此血在表項背在裏位在口咽其位在上也異於瓜蒌者因氣血迫不得循環故致下利吞血之部外位也

○赤石脂 ○代赭石

右二味用之希而其能未詳赤石脂禹餘糧湯症曰利不止桃花湯症曰下利便膿血又曰腹痛小便不利下利不止便膿血是下血者有氣逆之狀旋覆花代赭石湯症曰心下痞硬噫氣不除而無下利之症是血上攻者有氣急之狀是其別也

原本噫氣上有又曰三字下利上無無字下利下無文在二字作不下利血字上無是字氣急下無文字

○當歸 ○芍藥

當歸者治血滯氣逆者也芍藥者治血滯氣急者當歸建中

湯症曰腹中刺痛又曰痛引腰背當歸芍藥散症曰腹中疝

痛當歸生薑羊肉湯症曰腹中痛及股痛芍藥膠艾湯症曰

漏下下血腹中痛奔豚湯症曰氣上衝胸腹中痛當歸四逆

湯症曰厥寒是血滯之候也曰厥寒曰漏下下血曰氣上衝

胸當歸建中湯症曰吸々少氣皆是氣逆之候也桂枝加芍

藥湯症曰時痛小建中湯症曰腹中急痛枳實芍藥散症曰

腹痛煩滿芍藥膠艾湯症曰腹中痛大柴胡湯症曰心下滿

痛芍藥甘草湯症曰脚挛急桂枝加芍藥生薑人蔘湯症曰

發汗後身疼痛枝枝湯症曰身疼痛曰頭痛又曰惡寒烏頭

湯症曰疼痛柴胡桂枝湯症曰支節煩疼真武湯症曰腹痛

又曰沉重疼痛附子湯症曰身體疼痛又曰惡寒芍藥甘草

附子湯症曰惡寒黃芪桂枝五物湯症曰身體不仁是血滯

之候也桂枝加芍藥湯症曰腹滿小建中湯症曰悸衄又曰

煩熱又曰急痛枳實芍藥散症曰煩滿芍藥甘草湯症曰季

急桂枝加芍藥生薑人蔘湯症曰發汗後芍藥甘草附子湯

症曰發汗大柴胡湯症曰備又曰心下急桂枝湯症曰發熱

汗出烏頭湯症曰拘急柴胡桂枝湯症曰支節煩疼是氣急

之候也下之後惡寒或由水疼痛者必去芍藥是氣逆者不

可用之法也

○桔梗

○原本當歸四逆湯條文再  
舉當歸建中湯症曰吸々  
少氣當歸四逆湯症曰厥寒  
芍藥膠艾湯症曰漏下下血  
奔豚湯症曰氣上衝胸是氣  
逆之候也四條須從之

一本當歸上有又字  
此為是

桔梗者治腫脹之血也桔梗湯症曰久久吐膿又曰咽痛治  
腫痛桔梗白散症曰久久吐膿排膿散排膿湯症闕以方名  
觀之治膿也明矣諸腫痛在上者雖膿不成用之必有效至  
瘡瘡之類必用之也

○瓜萋實 ○薏苡仁

瓜萋實者治血滯在胸作痰飲變有氣逆之狀者也薏苡仁  
者治血滯不循氣急毒在肌膚者也在表位故云皮云身也  
小陷胸湯症曰結胸按之則痛瓜萋薤白白酒湯症曰胸背  
痛瓜萋薤白半夏湯症曰心痛徹背痛是血滯之候也瓜萋  
薤白白酒湯症曰喘息欬唾瓜萋薤白半夏湯症曰胸痺不  
得卧枳實薤白桂枝湯症曰胸滿腹下逆搶心是痰飲之變

原本草痛字下有者字血  
府上無是字

也小陷胸湯症闕方中有半夏則當有痰飲之症也薏苡以附  
子敗醬散症曰身甲錯薏苡湯症曰胸中甲錯麻黃杏仁薏  
苡甘草湯症曰一身盡痛是血滯不循之候也薏苡以附子敗  
醬散症闕云胸痺則血滯也明矣薏苡以附子敗醬散症曰腹  
皮急薏苡湯症曰咳者微熱煩滿麻黃杏仁薏苡甘草湯症  
曰發熱日晡所劇是氣急之候也

敗醬散二字當削

○滑石 ○澤瀉

滑石者治血滯不循水滯者也澤瀉者治血急逐水者也猪  
苓湯症曰渴欲飲水小便不利滑石白魚散症曰小便不利  
蒲灰散症曰小便不利此三方載在痲疾之部淋之為病少  
腹強急或季急或尿血猪苓湯症曰咳是水滯之候也其渴

原本草血急作血急滯



原本謂作云又無是字云渴上無故字云渴以下至非熱渴也二十四字作云渴則云汗出云水入則吐云吐審明逐水而非熱渴也二十三字

者以水不循環也。汗溽湯症曰冒眩五苓散症曰小便不利微熱消渴又曰汗出而渴又曰水入則吐又曰癰眩茯苓汗溽湯症曰吐而渴欲飲水八味丸症曰少腹拘急小便不利又曰消渴小便反多猪苓湯症曰渴欲飲水小便不利云渴者是血急之候也云汗出云水入則吐云吐而渴云消渴是逐水之候也汗溽之渴非熱渴故五苓散云微熱猪苓湯云發熱是謂內不有熱也故云渴則云汗出云水入則云吐是血急逐水之症而非熱渴也汗溽之症渴則不眩眩則不渴眩者劇者也。症

○人瀉 ○黃著

人瀉者治血凝氣不得暢有逆狀者也黃著者治血滯氣急

者也木防已湯症曰心下痞堅桂枝人瀉湯症曰利下不止心下痞硬半夏溽心湯症曰嘔而腸鳴心下痞生姜溽心湯症曰心下痞硬乾噫食臭腹中雷鳴下利甘草溽心湯症曰腹中雷鳴心下痞硬而滿乾嘔心煩又曰不欲飲食惡聞食臭小柴胡湯症曰默々不欲飲食心煩喜嘔又曰脘下痞硬吳茱萸湯症曰食穀欲嘔又曰乾嘔吐涎沫大半夏湯症曰嘔心下痞硬茯苓飲症曰滿不能食乾姜黃芩黃連人瀉湯症曰食入口則吐人瀉湯症曰喜唾久不了了又曰多寒六物黃芩湯症曰乾嘔下利生姜甘草湯症曰咳唾涎沫不止柴胡桂枝湯症曰心下痞結乾姜人瀉半夏丸症曰嘔吐不止黃連湯症曰腹中痛欲嘔吐旋覆花代赭石湯症曰心下

痞當作支

原本症作候可  
以為是

痞硬噫氣不除大建中湯症曰大寒痛嘔不能食飲桂枝加芍藥生姜人葠湯症曰身疼痛附子湯症曰惡寒又曰身體痛四逆加人葠湯症曰惡寒白虎加人葠湯症曰惡寒又曰心下堅曰硬曰支結曰腹中痛曰疼痛是血凝之症也曰痞曰噫曰煩曰寒者是氣不得暢之候也曰喜唾曰下利曰雷鳴曰不欲飲食曰咳唾涎沫不止是以血氣不伸飲食停滯水滯也曰嘔曰吐曰吐涎沫曰食入口則吐是不得暢之氣逆而上攻也黃芩桂枝苦酒湯症曰身體重防已黃芩湯症曰身重防已茯苓湯症曰四肢其々動黃芩桂枝五物湯症曰身體不仁桂枝加黃芩湯症曰腰腹弛痛又曰身疼重是血滯之候也苦酒湯症曰發熱汗出而渴防已黃芩湯症曰

汗出惡風桂枝加黃芩湯症曰盜汗出又曰從腰以上必汗出又曰黃汗是氣急之候也云不仁云疼重皮膚不有水氣則有黃芩無防已云身體腫云四肢腫水氣在皮膚則加防已黃芩治血而不治水可以知矣以上血之部外位也

水之部

○甘遂 ○茯苓

甘遂者治血分結實之水也茯苓者治血分動搖之水也十棗湯症曰心下痞硬滿引胸下痛大陷胸湯症曰心下痛按之石硬又曰心下硬又曰心下滿而硬痛又曰自心下至少腹硬滿而痛大黃甘遂湯症曰少腹滿如敦狀是結實之候也痛者以水結血也滿者以氣不能進也苓姜木甘湯症曰

身體重苓桂木甘湯症曰心下逆滿又曰頭眩又曰胸支  
滿目眩又曰身為振々搖又曰短氣苓桂甘木湯症曰膈下  
悸防已茯苓湯症曰四肢畏々動茯苓四逆湯症曰煩躁茯  
苓杏仁甘草湯症曰短氣小半夏加茯苓湯症曰眩悸茯苓  
甘草湯症曰心下悸虛武湯症曰心下悸頭眩身腫動又曰  
小便不利四肢沉重茯苓飲症曰心胸中有停痰宿水自吐  
出水枳莖瞿麥丸症曰小便不利茯苓泔渾湯症曰吐而渴  
五苓散症曰膈下有悸吐涎沫而癰眩又曰水入則吐又曰  
小便不利猪苓湯症曰小便不利桂枝茯苓丸症曰胎動曰  
畏々動曰腹動曰振々搖曰煩躁曰眩曰悸是水動搖之候  
也動搖之水甚則作身重作心下滿也

○瓜蒂 ○巴豆

瓜蒂者治胸中之停水攻於心者也巴豆者治腹中之停水  
攻於心者也瓜蒂散症曰胸中痞硬氣上衝咽喉不得息又  
曰邪結在胸中心中滿而煩是胸水之停水攻於心之候也  
走馬湯症曰心痛腹脹大便不通備急圓症曰心腹脹滿卒  
痛是腹中停水攻於心之候也曰腹脹滿者水也

○薤白 ○葶藶

瓜蒂散症曰五字  
瓜蒂散症曰薤白者治痰飲在胸閉血氣者也葶藶者治水  
在胸血氣急者也瓜蒌薤白白酒湯症曰喘息欬水唾胸背  
枳莖薤白半夏湯症曰胸痺不得卧心痛枳實薤白桂枝湯  
症曰胸痺心中痞喘息咳唾是痰飲之候也曰胸痺曰痛者

水當改中

瓜蒂散症曰五字  
德文

瓜蒂散症下有者字而無是

○原本作閉血氣也無是文  
候三字

是閉血氣之候也葶藶大棗湯症曰胸滿脹又曰咳逆上氣  
喘鳴迫塞又曰喘而不得卧又曰支飲不得息大陷胸丸症  
曰結胸者項亦強云喘云咳云支飲云胸滿脹云結胸是水  
在胸之候也云不得卧云不得息云迫塞云強項亦是血氣  
急之候也

強項二字可上  
下

○貝母

其能未詳治痰飲急于咽喉者也

原本無其能二字  
痰字下無飲字  
又無者字

○半夏 ○枳實

半夏者治痰飲有逆狀者也枳實者治水結實而氣急者也  
大半夏湯症曰嘔吐小半夏湯症曰嘔吐又曰心下有支飲  
半夏厚朴湯症曰咽中如有炙肉半夏瀉心湯症曰嘔而腸

鳴生姜瀉心湯症曰腹下有水氣腹中雷鳴甘草瀉心湯症  
曰腹中雷鳴又曰乾嘔小柴胡湯症曰嘔又曰咳又曰腹下  
硬滿大柴胡湯症曰嘔不止小青龍湯症曰心下有水氣乾  
嘔發熱而咳又曰喘葛根加半夏湯症曰嘔黃芩加半夏生  
姜湯症曰嘔越婢加半夏湯症曰喘而咳苓甘姜味辛夏湯  
湯症曰嘔黃連湯症曰嘔吐附子粳米湯症曰腹中雷鳴又  
曰逆滿嘔吐甘遂半夏湯症曰心下續堅滿半夏乾姜散症  
曰乾嘔吐逆半夏散症曰咽中痛其曰心下有水氣曰腹下  
有水氣曰心下有支飲曰心下堅滿曰腹下硬滿曰腹中雷  
鳴是雷飲之候也曰咽中有多食曰咽中痛是痰飲之候也  
嘔者氣逆也無水者生姜主之由水氣逆者半夏主之咳喘

原本嘔下無者字  
逆下無也字

原本無皆是三字

者痰飲之候也枳朮湯症曰心下堅大如盤枳實芍藥散症曰腹痛煩滿桂枝枳實生薑湯症曰心懸痛大承氣湯症曰腹滿痛又曰腹脹又曰心下必痛又曰心下硬又曰胸滿口噤厚朴三物湯症曰痛而閉厚朴七物湯症曰腹滿枳子大黃豉湯症曰熱痛大柴胡湯症曰心下滿痛又曰痞硬枳實薤白桂枝湯症曰胸滿枳子厚朴湯症曰腹滿小承氣湯症曰腹大滿曰心下堅曰硬曰滿痛曰懸痛曰熱痛是結實之候也其曰煩滿曰脹滿曰腹滿曰胸滿皆是氣急之候也

○防已 ○麻黃

防已者治血氣不循而水滯者也麻黃者治表之痰水也木

原本無故字  
又無是以二字循  
下無為字

防已湯症曰支飲喘滿心下痞堅防已黃耆湯症曰身重汗出又曰下重防已茯苓湯症曰四肢腫水氣在皮膚中已椒薤黃丸症曰腹滿口古乾燥腸間有水氣其曰支飲曰身重曰下重是氣不循而水滯之症也防已之水者不為痰不為痛氣不急故也是以氣之不循為主也故在表則合黃芪在裏則合人蔘也麻黃湯症曰身疼腰痛又曰無汗而喘又曰身疼痛越婢湯症曰一身盡腫不渴續自汗出越婢加朮湯症曰一身面目黃腫麻黃杏仁甘草石膏湯症曰汗出而喘葛根湯症曰無汗烏頭湯症曰歷節疼痛麻黃醇酒湯症曰黃疸大青龍湯症曰身疼痛其曰身疼曰無汗而喘曰黃疸曰一身腫是痰水之候也麻黃與杏仁合則治疼痛喘與桂

麻黃醇酒湯大青龍湯二條當屬上麻黃湯條下今茲載者後

枝合則治惡風無汗與石羔合則治汗出也

○柴胡

柴胡者治裏水外襲血氣逆者也小柴胡湯症曰往來寒熱胸脇苦滿又曰脘下硬滿又曰腹中痛又曰嘔而發熱又曰心煩喜嘔柴胡姜桂湯症曰胸脇滿微結又曰往來寒熱又曰心煩大柴胡湯症曰嘔不止心下急胸脇微煩又曰滿痛又曰往來寒熱柴胡桂枝湯症曰心下支結柴胡龍骨牡蠣湯症曰胸滿煩狂其曰脘胸滿曰脘下硬滿曰胸滿曰微結曰支結曰心下急曰滿痛是水氣外襲之候也曰往來寒熱曰腹中痛曰心煩是血氣逆之候也

○茵陳蒿

○瓜子 ○芫花

茵陳蒿者治黃疸之水也瓜子者治癰癥或鼓癥之水也芫花者治胸間之水也

○大戟 ○香豉 ○五味子

大戟者其能同芫花香豉者治令懊懣之水也五味子者治有小便之變或咳或冒者

以上六味症候未詳

Handwritten mark or signature in the bottom right corner.

